



**Die XV. Novembris. In Festo S. Gertrudis Virginis &  
Abbatissae**

**[S.l.], [ca. 1770]**

Die XV. Novembris. In Festo S. Gertrudis Virginis & Abbatissæ. Duplex.

---

[urn:nbn:de:hbz:466:1-62880](https://nbn-resolving.de/urn:nbn:de:hbz:466:1-62880)

Die XV. Novembris.  
IN FESTO S. GERTRUDIS  
VIRGINIS & ABBATISSÆ.

Duplex.

*Omnia de communi Virginum præter seq.  
Oratio.*

**D**EUS, qui in corde beatæ Gertrudis Virginis jucundam tibi mansionem præparasti ; ipsius meritis & intercessione cordis nostri maculas clementer absterge, & ejusdem tribue gaudere consortio. Per Dominum.

IN I. NOCTURNO.

*Lect. de Scriptura occurrente.*

IN II. NOCTURNO.

*Lectio IV.*

**G**ertrudis Islebii in Saxoniâ nobili gene-  
re nata, quinquennis in Monasterio Ro-  
dardensi, Ordinis Sancti Benedicti, virginiti-  
atem suam, ac se ipsam JESU Christo  
obtulit. Quo ex tempore à mundanis re-  
bus prorsus aliena, virtutique sedulò inten-  
ta, cœlestis vitæ genus instituit. Ad huma-  
niorum Litterarum notitiam rerum divi-  
narum cognitionem adjunxit. Quarum  
meditatione vehementius ad virtutem in-  
censa, brevi Christianam perfectionem a-  
depta est. De Christo, ejusque vitæ mysteriis  
sæpenumerò pio cum animi sensu loque-  
batur :

)

batur: unamque Dei gloriam cogitans, ad illam vota sua omnia, & actiones referebat. Quamvis autem multis eximiis naturæ & gratiæ donis à Deo aucta esset, ita tamen sibi ipsa vilescebat, ut inter præcipua divinæ bonitatis miracula hoc item memoraret, quod se indignissimam misericorditer sustineret. *R. Propter veritatem.*

*Lectio V.*

**T**rigesimum ætatis annum agens, primum Rodardensis Monasterii, ubi religiosam vitam est professa, deinde Elpediani præses electa, quadraginta annorum spatio, ea charitate, prudentia, & regularis disciplinæ studio munus obivit, ut Cœnobium religiosæ perfectionis domicilium videtur. Utrobiique verò, licet esset omnium Mater & Magistra, omnium tamen minima haberi volebat, ac demissione pari ministram se exhibebat. Quò liberiùs Deo vacaret, vigiliis, abstinentia, aliisque cruciatibus corpus afflixit; semperque sui similis, morum innocentiam, mansuetudinem, ac patientiam prætulit singularem. Proximorum saluti omni ope studuit, piæque curæ copiosum fructum retulit. Divini amoris vi frequentes patiebatur ecstasēs: altissimæque contemplationis, & divinæ unionis donum obtinuit. *R. Dilexisti.*

*Lectio*

*Lectio VI.*

**U**t meritum acceptissimæ sibi Sponsæ Christus ostenderet, in corde Gertrudis jucundam sibi esse mansionem testatus est. Deiparam Virginem veluti Matrem, ac Curatricem à JESU acceptam pietate præcipuâ prosequebatur; ab eaque multa accepit beneficia. Erga divinissimum Eucharistiaæ Sacramentum, & Passionem Domini tanto amore cum grati animi sensu afficiebatur, ut interdum uberioribus lacrymis perfunderetur. Justorum animas piacularibus flammis addictas quotidianis subsidiis, & precibus juvabat. Multa ad confovendam pietatem scripsit. Divinarum etiam revelationum, ac prophetiæ dono claruit. Denique flagrantissimo Dei amore potius, quam morbo languescens, anno Domini millesimo ducentesimo nonagesimo secundo vitâ decessit. Miraculis vivens, & post mortem à Deo illustrata est.

**¶. Afferentur Regi.**

**IN III. NOCTURNO.**

*Honiil. S. Gregorii Papæ in Evang. Simile erit regnum cœlorum decem virginibus. de communione Virginum. Missa: Dilexisti.*



